

Inuusuttunut ilinniarfinni naammassinnittarnerit

Kisitsisaataasivimmi ilinniartut ilinniakkamik aallartitsinnermiit ukiut 1-10 qaangiunnerini ilinniarnermi killiffiit tabelit saqqummersinneqarput. Ilinniartut ilinniakkaminnik naammassinnissimasut ilinniakkap aallartinneraniit ukiut quliut tungaannut qaangiunnerini agguaqatigiissillugu naammassisarnermut procentiat tabelinit kisinneqarsinnaalerpoq. Tabelit siornatigut ilinniakkanik unitsitsisartut tabeliit taarsiissutaapput.

Tabelini ilinniarnermi killiffiit naatsorsukkat tassaapput:

- Ilinniakkami pineqartumi aallartinneqarsimasumi killiffik
- Ilinniakkap qaffasissusaani aallartinneqarsimasumi killiffik

Tabelimi kingullermi ilinniartut ilinniakkap qaffasissusaani ataatsimi ilinniakkap sammivianik allanngortitsisut sillimaffigineqarput.

Saqqummersitami inuusuttunut ilinniarfinni ilinniakkat kisimik pineqarput. Ingerlariaqqiffiusumik ilinniarfinni naammassinnittarnerit pillugit saqqummersitaq www.stat.gl –imi takuneqarsinnaavoq.

Ilinniakkamik aallartissimasamik naammassinnittarneq


Ilinniarnertuunngorniarnik ukiunik pingasunik sivilissusilerneqarsimasumik ilinniarnertuunngorniarnermik (GUX) aammalu inersimasunut ilinnialernissamut piareersarluni pikkorissarnermik, 2016 sioqqullugu ukiumik ataatsimik sivilissusilerneqarsimasumik, imaqarpoq.¹ Sanilliussisinnaanissaq peqqutigalugu ilinniarnertuunngorniarnit ukiunik pingasunik sivilissusillit kisitsisini paasissutissani kisimik ilanngunneqarput.

2012-imi ilinniarnertuunngorniarnit aallartissimasut 49 procentii ukiut pingasut qaangiunnerini ilinniakkamik naammassinnissimapput. Ukiut tallimat qaangiunnerini naammassinnissimasut 62 procentimut amerleriarsimapput. 2010-mili aallartissimasunut naleqqiullugu 8 procentimik appariarneruvoq, tassani naammassinnittarnermut procenti 70 procentiummat. 2012-imi ilinniarnertuunngorniarninnik aqqissuusseqqinneq atuutsinneqalerpoq, ilinniartullu 2012-iminngaanneersut ilinniakkap aqqissuussaananut nutaamut nuutsinneqarput. Inuussutissarsiornermik ilinniarfinni ilinniakkat sivilissusaat siammassipput, taamaattumik kisitsisini paasissutissani inuussutissarsiornermik ilinniakkanut

¹Ullumikkut inersimasunut ilinnialernissamut piareersarluni pikkorissarneq ukiunik marlunnik sivilissuseqartussatut aalajangersagaavoq.

naatsunut ukiup affaaniit ukiunik marlunnik sivilissuseqartunut aammalu inuussutissarsiornermik ilinniakkanut nalinginnaasunut minnerpaamik ukiunik marlunnik sivilissuseqartunut immikkoortiterneqarput. ² 2013-imi inuussutissarsiornermik ilinniarkinnaatsuni aallartissimasut 63 procentii ukiut marluk ingerlanerini ilinniakkatik naammassimavaat. Ukiullu marluk qaangiunnerini 65 procentiisa ilinniakkatik naammassimallugit. Naammassinnittarnermut procenti ukiup siualianit 5 procentinik qaffariarsimavoq. Inuussutissarsiornermik ilinniakkani nalinginnaasuni naammassinnittarnermut procenti appasinneruvoq. Ukiut sisamat ingerlanerini 41 procentii ilinniakkaminnik 2011-mi aallartissimasaminnik naammassinnissimapput. Ukiut arfinillit qaangiunnerini 48 procentii ilinniakkaminnik naammassinnissimapput. 2010-mut naleqqiullugu 5 procentinik qaffariarneruvoq. Naammassinnittarnermut procenti 2005-imi 52 procentimiilluni qaffasinnerpaaffissaminiippoq, 2010-lli tungaanut appariartuaarsaarsimalluni.

Titartagaq 1. Inuusuttunut ilinniarkinnaatsuni ukiunik marlunnik sivilissuseqartuni naammassinnittarnermut procenti, 2011-mi, 2012-imi 2013-imi aallartittut malillugit



Nalunaarut: Ilinniarnertuunngorniarkinnaatsuni ilinniaginaq ukiunik pingasunik sivilissuseqartuni kisimi pineqarpoq. Naammassinnittarnermut procenti ukiup pineqartup naanerani naatsorsorneqarpoq, ukiurlo siullermeerluni ilinniakkamik aallartitsivik ungaluuserlugu ilanngunneqarpoq: Ilinniarnertuunngorniarkinnaat (2012), inuussutissarsiornermik ilinniakkat naatsut (2013), inuussutissarsiornermik ilinniakkat nalinginnaasut (2011).

Ilinniakkat sivilissuseqartuni ukiup kaajallallugu naatsorsorneqarput ilinniarnertuunngorniarkinnaat ukiup pingasuullutik, inuussutissarsiornermik ilinniakkanut naatsunut ukiut marluk aammalu inuussutissarsiornermik ilinniakkanut nalinginnaasunut ukiut sisamat.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISC11L>).


Arnat akornanni naammassinnittarneq qaffasinnerusoq

Arnat angutinit amerlanerusut inuusuttunut ilinniarkinnaatsuni ukiunik marlunnit sivilissuseqartuni naammassinnissimapput. 2012-imi ilinniarnertuunngorniarkinnaat aallartitsimasut arnat 66 procentii, angutit 57 procentiinut naleqqiullugit, naammassinnissimapput.

²Inuussutissarsiornermik ilinniarkinnaat amerlanerpaat ukiunik sisamanik sivilissuseqarput. Danmarkimi inuussutissarsiornermik ilinniarkinnaat sivilissuseqartuni inuusuttunut meeqqat atuarfianniit toqqaanaq ingerlaqqittunut tunngaviummik ilinniarkinnaat ilinniarkinnaat ilaatigut sivilissuseqartuni.

Inuussutissarsiornermik ilinniakkani naatsuni arnat 2013-imi ilinnialersimasut 72 procentii, angutit 56 procentiinut naleqqiullugit, naammassinnissimapput. Inuussutissarsiornermik ilinniakkani nalinginnaasuni arnat 2011-mi aallartissimasut 55 procentii, angutit 41 procentiinut naleqqiullugit, naammassinnissimapput. Ukiunilu siuliini aamma taamatut ingerlasimapput.

Titartagaq 2. Inuusuttunut ilinniarfinni ukiunik marlunnik sivilisunerusumillu sivilisussuseqartuni naammassinnittarnermut procenti, 2011-mi, 2012-imi 2013-imilu aallartittut suiaassusaat malillugu



Nalunaarut: Ilinniarnertuunngorniarneq ilinniagaq ukiunik pingasunik sivilisussusilik kisimi pineqarpoq.

Naammassinnittarnermut procenti ukiup pineqartup naanerani naatsorsorneqarpoq, ukiorlu siullermeerluni ilinniakkamik aallartitsivik ungaluuserlugu ilanngunneqarpoq: Ilinniarnertuunngorniarneq (2012), inuussutissarsiornermik ilinniakkat naatsut (2013), inuussutissarsiornermik ilinniakkat nalinginnaasut (2011).

Ilinniakkat sivilisussusaat ukioq kaajallallugu naatsorsorneqarput ilinniarnertuunngorniarnermullu ukiut pingasuullutik, inuussutissarsiornermik ilinniakkanut naatsunut ukiut marluk aammalu inuussutissarsiornermik ilinniakkanut nalinginnaasunut ukiut sisamat.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISC11M>).


Nuna ilinniarfik malillugu naammassinnittarnerneq

2012-imi ilinniarnertuunngorniarnertut aallartissimasuni Kalaallit Nunaata avataani ilinniarnertuunngorniarsimasut naammassinnittarnermut procentiat Kalaallit Nunaanni ilinniarnertuunngorniartuniit qaffasinnerulaarpoq. Nunani allani ilinniartut 67 procentii, Kalaallit Nunaanni ilinniartut 61 procentiinut naleqqiullugit, ukiut tallimat iluanni ilinniakkaminnik naammassinnissimapput. Ukiuni siuliini Kalaallit Nunaanni ilinniartut naammassinnittarnermut procentiat qaffasinnerpaasimavoq. Ukiunili kingullerni nunani allani ilinniartut naammassinnittarnermut procentiat qaffariarsimasoq Kalaallit Nunaanni ilinniartunut appariartuaarsimavoq.

Inuussutissarsiornermik ilinniarfinni naatsuni nalinginnaasunilu Kalaallit Nunaanni ilinniartut Kalaallit Nunaata avataani ilinniartuniit amerlanerusut ilinniakkaminnik naammassinnissimapput. 2013/2011-mi Kalaallit Nunaanni ilinniartut 67 procentii aammalu 48 procentii inuussutissarsiornermik ilinniakkamik ukiunik marlunnik sivilisunerusumillu sivilisussuseqartumik

naammassinnissimapput. Kalaallit Nunaata avataani ilinniartut 55 procentii aammalu 30 procentii naammassinnissimapput.

Titartagaq 3. Inuusuttunut ilinniartut ukiunik marlunnik sivilisunerusumillu sivilisussuseqartut naammassinnittarnermut procenti, 2011-mi, 2012-imi 2013-imilu aallartittut nuna ilinniartut malillugu



Nalunaarut: Ilinniarnertuunngorniarneq ilinniagaq ukiunik pingasunik sivilisussusilik kisimi pineqarpoq.

Naammassinnittarnermut procenti ukiup pineqartut naanerani naatsorsorneqarpoq, ukiorlu siullermeerluni ilinniakkamik aallartitsivik ungaluuserlugu ilanngunneqarpoq: Ilinniarnertuunngorniarneq (2012), inuusutissarsiornermik ilinniakkat naatsut (2013), inuusutissarsiornermik ilinniakkat nalinginnaasut (2011).


Ilinniakkat sivilisussusaat ukioq kaajallallugu naatsorsorneqarput ilinniarnertuunngorniarnermullu ukiut pingasuullutik, inuusutissarsiornermik ilinniakkanut naatsunut ukiut marluk aammalu inuusutissarsiornermik ilinniakkanut nalinginnaasunut ukiut sisamat.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISC11L>).

Ilinniakkap qaffasissusaanik aallartissimasamik naammassinnittarnerq

Ilinniartut ilaat ilinniakkamik kukkusumik aallartitsisarput. Ilinniagaq aallartitartik unitsittarpaat inuusuttunullu ilinniartut allamut ingerlaqqiinnartarlutik. 2010-mi siullermeerlutik inuusuttunut ilinniartut aallartitsisimasut 63 procentii ukiut arfineq-marluk iluanni inuusuttunut ilinniartut naammassinnissimapput. Taakkunannga ilinniarnertuunngorniarnertut aallartissimasut 76 procentii ilinniarnertuunngorsimapput 5 procentilli inuusutissarsiornermik ilinniartut naammassiinnarsimallutik. Inuusutissarsiornermik ilinniartut aallartissimasortaasa 51 procentii inuusutissarsiornermik ilinniakkamik naammassinnissimapput, 3 procentilli ilinniarnertuunnguinarsimallutik.

Titartagaq 3. Inuusuttunut ilinniarfinni aallartinnermiit ukiut arfineq-marluk qaangiunnerini ilinniakkap killiffia, 2010-mi aallartittut malillugit



* Inuusuttunut ilinniarfinni ilinniakkap qaffasissusaanik allamik naammassinnissimasut.

Nalunaarut: Ilinniakkap killiffia ukiup naanerani ilinniartunut 2010-mi inuusuttunut ilinniarfinnik siullermeerlutik aallartissimasunut naatsorsomeqarpoq.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISC11L>).

Eqikkaaneq

Tabel 1. Ilinniarnertuunngorniarneq, 2012-imi aallartittut

2012-2017	Procentinngorlugit				
	Katillugit amerlassusaat	Ukiut pingasut ingerlanerini naammassisut	Ukiut tallimat ingerlanerini naammassisut	Suli ingerlatsisut	Unitsitsisut
Katillugit	513	49,1	61,8	4,7	33,5
Angutit	189	47,1	56,6	3,7	39,7
Arnat	324	50,3	64,8	5,2	29,9
Kalaallit Nunaanni	464	48,3	61,2	4,7	34,1
Kalaallit Nunaata avataani	49	57,1	67,3	4,1	28,6

Nalunaarut: Ilinniarnertuunngorniarneq ukiunik pingasunik sivisussusilik kisimi pineqarpoq. Ilinniakkap killiffia ukiup naanerani ukiumi siullermeerluni ilinniakkamik aallartitsiffiusumi naatsorsorneqarpoq.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISC11L>, <http://bank.stat.gl/UDDISC11M>).

Tabel 2. Inuussutissarsiornermik ilinniarneq naatsoq, 2013-imi aallartittut

2013-2017	Katillugit amerlassusaat	Procentinngorlugit			Unitsitsisut
		Ukiut marluk ingerlanerini naammassisut	Ukiut sisamat ingerlanerini naammassisut	Suli ingerlatsisut	
Katillugit	214	62,6	65,4	0,5	34,1
Angutit	88	55,7	55,7	0,0	44,3
Arnat	126	67,5	72,2	0,8	27,0
Kalaallit Nunaanni	192	64,1	66,7	0,5	32,8
Kalaallit Nunaata avataani	22	50,0	54,5	-	45,5

Nalunaarut: Ilinniakkap killiffia ukiup naanerani ukiumi siullermeerluni ilinniakkamik aallartitsiffiusumi naatsorsorneqarpoq.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISC11L>, <http://bank.stat.gl/UDDISC11M>).

Tabel 3. Inuussutissarsiornermik ilinniarneq nalinginnaasooq, 2011-mi aallartittut

2011-2017	Katillugit amerlassusaat	Procentinngorlugit			Unitsitsisut
		Ukiut sisamat ingerlanerini naammassisut	Ukiut arfinillit ingerlanerini naammassisut	Suli ingerlatsisut	
Katillugit	658	41,5	47,6	2,4	50,0
Angutit	349	36,4	41,3	3,4	55,3
Arnat	309	47,2	54,7	1,3	44,0
Kalaallit Nunaanni	631	42,0	48,3	2,5	49,1
Kalaallit Nunaata avataani	27	29,6	29,6	0,0	70,4

Nalunaarut: Ilinniakkap killiffia ukiup naanerani ukiumi siullermeerluni ilinniakkamik aallartitsiffiusumi naatsorsorneqarpoq.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISC11L>, <http://bank.stat.gl/UDDISC11M>).

Periaaseq

Siunertaq

Kisitsisitigut paasissutissani matumani siunertaavoq ilinniartut qanoq amerlatigisut ilinniakkamik aallartissimasaminnik naammassinnissimanerisa unitsitsisimanerisalu naatsorsorneqarnissaat. Kisitsisitigut paasissutissat siornatigut ilinniakkamik unitsitsisartut paasissutissaannut taarsiissutaapput.

Taamatuttaaq ilinniartut qanoq amerlatigisut ilinniakkap aallartinneraniit ilinniakkap qaffasissusaanik naammassinnissimasut naatsorsorneqarput. Kisitsisinilu paasissutissani matumani ilinniakkap qaffasissusaani ataatsimi ilinniakkap sammivianik allanngortitsisarneq sillimaffigineqarpoq.

Nalunaarsuutit tunngaviusut

Piffissami 2003-miit ullumikkumut ilinniakkanik aallartitsisunut, ilinniakkanik ingerlatsisunut ilinniakkanillu naammassinnissimasunut nalunaarsuisarfiit tunngavigalugit kisitsisitigut paasissutissat suliarineqarput.

Ilinniartut siullermeerlutik ilinniakkamik aallartitsisut aammalu siullermeerlutik ilinniakkap pineqartup qaffasissusaanik aallartitsisut aallaavigineqarput.

Ilinniakkat qaffasissusaat International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinermi ilinniakkat suut pineqarnersut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu www.stat.gl –imi Ilinniartitaanermut tunngasut ataanni nassaarineqarsinnaavoq. Saqqummersitami kingullerpaami Periaatsimut immikkoortoq takuuk.

Kisitsisini paasissutissani inuussutissarsiornermik ilinniakkat naatsunut nalinginnaasunullu immikkoortiterneqarput. Inuussutissarsiornermik ilinniarnert siviinnerit ukiut marluk inorlugit sivilissuseqartut tassaasinnaapput eqqumiitsuliornermik ilinniarneq, tapersersuisutut ilinniarneq portøritullu ilinniarneq. Imarsiornermi ilinniarnertup iluani modulikkaartumik ilinniakkat aamma ilanngunneqarput.

Ingerlariaqqiffiusumik ilinniakkani naatsuni niuernermit ilinniarfimmik qaffasinnerusumik ilisimatusarnerit, procesteknikeritullu ilinniarneq ilanngunneqarput. Bachelorinnngorniarnert

professionsbachelorinnngorniarnertut nalinginnaasumillu bachelorinnngorniarnertut immikkoortiterneqarput.

Professionsbachelorinnngorniarnert tassaapput meeqqat atuarfianni ilinniartitsisunngorniarneq, peqqissaasunngorniarneq tusagassiortunngorniarnertu, nalinginnaasumillu bachelorinnngorniarnert tassaallutik inuiaqatigiilerinermi ilisimatusarneq, erhvervsøkonomi iluani ilisimatusarneq aammalu teologi-mik ilisimatusarneq.

Periaaseq

Ilinniakkamik aallartitsisut ukiumi aallartiffiannit ukiut 1-10 qaangiunnerini ilinniartunut suli ingerlatsisunut nalunaarsuisarfianni ataatsimut ingerlanneqarput, tulluullugulu ilinniakkanik naammassinnissimasut nalunaarsuisarfianni ingerlateqqinneqarlutik. Ukiut tamaasa ukiumi pineqartumi ilinniartut suli ilinniakkamik ingerlatsisutut imaluunniit ukiut kingulliit ilaanni ilinniakkamik naammassinnissimasutut killiffilerneqartarput. Ilinniartut suli ilinniakkamik ingerlatsisutut imaluunniit naammassinnissimasutut nalunaarsorneqarsimanngitsut ”unitsitsisimasutut” killiffilerneqarput.

Ilinniartut ukiumi pineqartumi ilinniakkamik unitsitsisut ukiullu tulliani ilinniagaq aallarteqqillugu, ukiumi siullermi unitsitsisimasutut ukiullu tulliani ingerlatsisutut naatsorsorneqarput.

Ilinniagaq ataaseq pineqarluartoq ilinniakkat ilai assigiinngitsunik ilisarnaasersugaapput. Ilinniagaq ataaseq assigiinngitsunik ilisarnaasersugaq sapinngisamik ilisarnaammut ataatsimut ingerlatinniarneqarpoq.

Naatsorsuineq

Ilinniakkat killiffiinut kisitsisitigut paasissutissat ilinniakkat aallartinneraniit ukiut tulluuttut 1-10 qaangiunnerini suli ilinniakkamik ingerlatsisutut, naammassinnissimasutut unitsitsisimasutulluunniit naatsorsorneqarput.

Tabelini ilinniarnermi killiffiit naatsorsukkat tassaapput:

- Ilinniakkami aallartinneqarsimasumi killiffik
- Ilinniakkap qaffasissusaani aallartinneqarsimasumi killiffik

Tabelimi kingullermi ilinniartut ilinniakkap qaffasissusaani ataatsimi ilinniakkap sammivianik allanngortitsisut sillimaffigineqarput.

Kisitsisitigut paasissutissani pineqartuni ilinniakkap qaffasissusaa, nuna ilinniarfik suaassuserlu malillugit naatsorsuisoqarpoq.

Killiliinerit erseqqissagassallu

”Unitsitsinermut” killiffimmi ilinniakkamik unitsitsigallartut ilaapput.

Kisitsisini paasissutissani matumani ilinniakkat killiffii ilinniakkami pineqartumi ilinniakkallu qaffasissusaani pineqartumi taamaallaat naatsorsorneqarput. Ilinniakkamik unitsitsisut unitsitserernerup kingorna ilinniakkap qaffasissusaani allami ilinniakkamik allamik aallartitsillutillu naammassinnissimasinnaapput.

Ilisarnaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffissaq
Randi Mortensen
E-mail: rand@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

